

cuniæ quicquam vel pro cibo potuque, vel aliis rebus, ad iter prosequendum necessariis, expendat. Accedit porro, quod, cum per Camenzium, Budissam, Koenigsbruckam transeant illi tantum, qui ex Saxonia aliisque Germaniæ provinciis in Silesiam tendunt, Gorlicium transeundum sit etiam illis, qui ex Bohemiâ in Poloniam proficiscuntur. Hac igitur de causa tanto majorem curam pro viæ hujus juribus conservandis adhibendam esse existimarunt, quanto majus exinde sentiunt emolumenntum. Denique Gorlicensibus etiam propter pannificum, qui in ea urbe commorabantur, frequentiam, jam olim ratione glasti concessum fuit jus, quod dicunt stapulæ, vi cuius omnes mercatores, qui materiam hanc, colorandis pannis apprime aptam, ad alios deferunt, & Lusatiam superiorem intrant, sunt obstricti, ut Gorlicium veniant, mercesque suas ibi venditum exponant; Ut de re constet, addo verba, quibus CAROLVS IV. in confirmando hoc jure usus est in diplomate, quod dedit anno 1356. Ita vero illa se habent : *Quicunque vero mercatores seu vectores sandicem ducentes quibuscunque temporibus vel horis districtui Budissensi & Goericensi applicuerint, postquam metas illorum districtuum ingressi fuerint, tenebuntur & debebunt perpetuis temporibus ipso facto intrare civitatem Goericensem, & ibidem deponere sandicem, & cum eodem continuare ibidem, ac omnia & singula alia facere, quæ antiquitus jure vel laudabili consuetudine noscuntur observata,* Quod jus confirmatum etiam est a FERDINANDO I. his verbis : Zum eilfsten so gebeut auch der Käyser allen Kauffleuten, die mit Waith handeln, welche die beyde Weichbilder und Kreysse, als Budischin und Görlich damitte berühren, daß sie solchen Waith nirgends anders wohin, dann gen Görlich führen, alda abladen, verkauffen und verhandeln sollen, auch darvon der Stadt thun und geben, was sie zu alten Rechte von solchen billig zu fordern haben. Habes itaque causas, propter quas Goericenses viam nostram omnium accerrime defen-